



Broj: 10-11-3133/24
Sarajevo: 29.03.2024. godine

Na osnovu člana 41. Statuta Grada Sarajeva („Službene novine Kantona Sarajevo“ broj 7/23) i člana 4. Odluke o kriterijima i načinu sufinansiranja kulturno-umjetničkih društava sa tradicijom („Službene novine Kantona Sarajevo“ broj 9/24), gradonačelnica Grada Sarajeva, putem Gradske službe za obrazovanje, sport, kulturu i mlade raspisuje

JAVNI POZIV ZA SUFINANSIRANJE PROGRAMSKIH AKTIVNOSTI KULTURNO UMJETNIČKIH DRUŠTAVA SA TRADICIJOM

I - Cilj Javnog poziva i finansiranje

Cilj ovog Javnog poziva je usmjeriti dio finansijskih sredstava iz Budžeta Grada Sarajeva prema kulturno-umjetničkim društvima koji su čuvari tradicije i narodnih običaja.

Sredstva za finansiranje programskih aktivnosti kulturno-umjetničkih društava sa tradicijom, planirana su u Budžetu Grada Sarajeva za 2024. godinu.

II - Prijava na Javni poziv

Pravo učešća na Javnom pozivu imaju kulturno-umjetnička društava registrovana na teritoriji četiri gradske općine (Stari Grad, Centar, Novo Sarajevo i Novi Grad).

Kulturno-umjetnička društva se prijavljuju na Javni poziv uz popunjen Prijavni obrazac i dužni su da dostave potrebnu dokumentaciju i to:

Opći kriteriji

1. Kratak opis projekta i plan aktivnosti za 2024. godinu;
2. Izvadak iz registra gdje je vidljivo ko je ovlaštena osoba za zastupanje (ne starije od 6 mjeseci);
3. Ovjerena fotokopija ID broja;
4. Ovjerena fotokopija ugovora sa bankom ili potvrda iz banke o solventnosti računa i transakcijski broj (ne starije od 6 mjeseci);
5. Finansijska konstrukcija (prihodi i rashodi projekta) zbog kasnijeg pravdanja namjenskog utroška sredstava, kao i drugi izvori finansiranja. Ukoliko je projektnom dokumentacijom predviđena isplata honorara, potrebno je u finansijskoj konstrukciji navesti pojedinačne iznose istih;
6. Izjava na memorandumu udruženja/fondacije uz pečat i potpis ovlaštene osobe, o obezbijeđenim ljudskim, materijalnim i tehničkim resursima za realizaciju planiranih aktivnosti (ne treba ovjeravati u Općini);
7. Izjava na memorandumu udruženja/fondacije uz pečat i potpis ovlaštene osobe, da su opravdana ranije korištena sredstava iz Budžeta Grada Sarajeva ili potvrdu o dostavljenom finansijskom izvještaju o utrošku ranije doznačenih sredstava.

Posebni kriteriji

1. Program/projekat kojim se aplicira za sufinansiranje, sa jasno definisanom ciljnom grupom, vrstom planiranih aktivnosti i mjestom njihovog održavanja, te očekivanim rezultatima;
2. Predviđen broj učesnika i njihova starosna dob;
3. Kratak opis organizacije sa podacima o prethodno realiziranim projektima i kvalifikaciji kadrova koji implementiraju projekat (odgovorne osobe, saradnici, volonteri);



4. Dokaz o osvojenim priznanjima i nagradama za rad (ovjerena fotokopija).
5. Promocija grada kao domaćina velikim folklornim smotrama;
6. Promocija Sarajeva na međunarodnim smotrama i takmičenjima.

IV - Važne napomene

Ukoliko prijava ne sadrži popunjen prijavni obrazac, tražene informacije i propisanu dokumentaciju, redosljedom kako je navedeno u općim kriterijima u tekstu Javnog poziva, ista se neće razmatrat i smatrat će se nepotpunom.

Svaku stavku iz posebnih kriterija potrebno je pojedinačno opisno dostaviti na zvaničnom memorandumu udruženja uz pečat i potpis ovlaštene osobe, inače dokumentacija će se smatrati nepotpunom.

Informacije iz dodatnih kriterija dostavljaju se u pisanoj formi kao sastavni dio prijave na Javni poziv. Pravo učešća na Javnom pozivu nemaju kulturno-umjetnička društava koja nisu po nekom drugom osnovu opravdali odobrena finansijska sredstva iz Budžeta Grada Sarajeva do dana raspisivanja ovoga Javnog poziva ili su u sudskom sporu zbog navedenog sa Gradom Sarajevom.

Aplikanti koji se prijavljuju na Javni poziv mogu aplicirati samo sa jednim projektom.

V - Podnošenje prijave

Prijave na Javni poziv podnose se u roku od 15 dana od dana objavljivanja na službenoj stranici Grada Sarajeva, lično na protokol ili putem pošte na adresu u zatvorenoj koverti sa naznakom na prednjoj strani zatvorene koverta:

„Javni poziv za sufinansiranje programa kulturno-umjetničkih društava sa tradicijom“

**Grad Sarajevo
Ćemaluša 9/III
71 000 Sarajevo**

Na poleđini koverta potrebno je upisati puni naziv udruženja, sjedište (adresu).

VI - Odabir uspješnih kandidata, objava rezultata i potpisivanje ugovora

Odabir najuspješnijih projekata izvršit će komisija koju imenuje Gradonačelnica posebnim rješenjem. Komisija će nakon obrade i analize pristiglih prijava dostaviti mišljenje Gradonačelnici.

Konačnu Odluku donosi Gradonačelnica Grada Sarajeva o odobravanju novčanih sredstava, nakon čega će se potpisati pojedinačni ugovori.

Lista izabranih uspješnih kandidata koji ispunjavaju uslove Javnog poziva bit će objavljena na službenoj stranici Grada Sarajeva www.sarajevo.ba.

**GRADONAČELNICA
prof. dr. Benjamina Karić, s.r.**